

ՊԱՐՍԿԱՀԱՅԵՐԻ ՆԵՐԳԱՂԹԻ ԿԱԶՄԱԿԵՐՊՈՒՄԸ
ԸՍՏ ԺԱՄԱՆԱԿԻ ՓԱՍՏԱԹՂԹԵՐԻ

Ստորև տպագրվող հինգ փաստաթղթերը, որոնցից երեքը հայ-ռուսական բարեկամության քառագույն ներսես Աշտարակեցու՝ պարսկահայ համայնքներին ուղղված կոչերն են, բացահայտում են վերջինիս ջանադիր և հայրենանվեր գործունեության ուշագրավ կողմերից մեկը՝ պարսկահայերի ներգաղթը գլուխ բերելու ուղղությամբ նրա թափած ջանքերը։ Միաժամանակ փաստաթղթերից մի անգամ ևս երևում է 1826—1828 թթ. ռուս-պարսկական պատերազմում ռուսական զինքի տարած հաղթանակի վճռական դերը՝ հայ ժողովրդի պատմական ճակատագրում, Հայաստանի արևելյան հատվածը հայահավաքման կենտրոն դարձնելու գործում։ Հրատարակվող փաստաթղթերը պահվում են Մաշտոցի անվան մատենադարանի արխիվի փաթեղիկոսական դիվան և ներսես Աշտարակեցու ֆոնդերում։

ՄԱՐԿՈՍ ԽԱԶԱՏՐՅԱՆ

№ 1

ՆԵՐՍԵՍ ԱՇՏԱՐԱԿԵՑՈՒ ԿՈՇՐ ԱՄՐԱՊԱՏԱԿԱՆԻ ԴԱՅԵՐԻՆ

1827 թ. դեկտեմբերի 28,
Երևանի բերդ

Առ ժողովուրդն Հայոց, որ ի սահմանս Ատրպատականի.

Պատուելի հասարակութեան հայոց հոգևորականաց և մարմնաւորականաց եղելոց ի Թէվրիզ, յՈւզումչի և յայլ գիւղօրայս նորին ի խոյ, ի Սալմաստ. յՈւռումիայ, ի Մարաղայ, ի Դուխուրդան, ի Ղարադաղ և յամենայն գիւղօրայս նոցին ընդ ամենայն սահմանս Ատրպատական աշխարհի՝ գերապատիւ առաջնորդաց՝ եպիսկոպոսաց և վարդապետաց, պատուարժան աւագ երիցանց, սրբագործ քահանայական դասուց և ամենայն կղերիկոսաց պաշտօնէից սրբութեանց մեծապատիւ մեղիքաց, հասարակաօգուտ տանուտէրանց և քեղիւղայից, բարեպաշտ վաճառականաց և ճարտարագործ արուեստաւորաց, բազմաշան երկրագործաց, և առ հասարակ ամենայն Քրիստոսի աստուծոյ արեամբն գնեալ ժողովրդոց արանց և կանանց ողջոյն քրիստոսականդ բազում օրհնութեամբ մատուցանեմ աստուածային և սուրբ պարտաւորութեամբ՝ որպէս արքեպիսկոպոս՝ և՛ որպէս հովիւ, և՛ հայր հողեոր:

Այլև աղօթս առնեմ, զի ամենաբաւական շնորհն աստուծոյ կարողացուցէ զմիտս ձեր՝ հասանիլ, և ճանաչել զբանիցս իմոց զճշմարտութիւն, և բանալ զականջս ձեր ինձ, և լսել զոր գրեմս առ ձեզ յանուն տեառն մերոյ Յիսուսի Քրիստոսի՝ յիշատակութեամբ պաշտելի բարբառոյ սուրբ աստուածութեան նորա, որ ունիցի ականջս լսելոյ, լուիցէ:

Աչք ձեր ամենեցուն տեսանեն, և ականջք ձեր լսեն միշտ՝ թէ ամենայն ազգն Հայոց ցիր և ցան ընդ ամենայն տեղիս՝ որպիսի վատաբախտութեան վիճակեալ կան ի քանի հարիւրաւոր ամաց հետէ, զրկեալ յամենայն բարե-

մասնութեանց աշխարհիս այսորիկ՝ ի հայրենի աշխարհաց, ի մեծութեանց, յիշխանութեանց, ի փառաց, ի պատուոց, ի հարստութեանց, ի հանգստութեանց, և յամենայն մարդկային վայելչութեանց, և, որ առաւելն է ի մէջ այս ամենայն նշանակեալ ողորմելի դրութեանց իւրեանց՝ զրկեալ նաև ի յուսոյ ապահով կենաց՝ միշտ ի մէջ կասկածանաց, և միշտ ի ներքոյ ահի երկիւղի վասն անակնկալ զրպարտութեանց և վասն զանազան վնասուց մարմնոյ և հոգւոյ:

Ազգին իսրայէլացւոց եօթնասուն տարի էին ժամանակը գերութեանց և խստագոյն պատժոց, և յնգիպտոս շորեք հարիւր տարի միայն երկարեցան նոցա ժամանակը գերութեանց. յետ որոց ի լրանալ ժամանակին դարձուցանէր զնոսա աստուած ի հայրենիս իւրեանց հզօր ձեռամբ և բարձր բազկաւ: Իսկ մեղ աղգի Հայոց՝ ահա այս քանի հարիւր ամբ են, զի անդարձ գերութեամբ դտանիմք ի ներքոյ զանազան իշխանութեանց ընկճեալ և նուաճեալ անշուք, անշարդ, անպատիւ, անարգեալ, աղքատ և ամենայնիւ արհամարհեալ, և թէ մշակութիւն մեր չէր օգտակար մերոց իշխողաց, որպէս չէ եղեալ կամք նոցա վասն բարձրագլուխ շքեղ և փառաւոր, ուրախ և հանգիստ՝ հարուստ կենաց մերոց, այնպէս ևս չէր լինելոց կամք նոցա նաև վասն կենսապահ օրըստօրէական աղքատ կերակրոց մերոց: Այլ՝ զի մշակութիւն մեր շահաբեր է վասն նոցա, շահ մշակութեանց մերոց միայն է պատճառ, որ թէպէտ և նուազեցուցեալ են զազգ մեր. մինչև յոյժ, այլ պահպանեալ են արհամարհանօք անձանց և հաւատոց՝ և չեն վերջացուցեալ տակաւին և բնաշինջ կորուսեալ մինչ իսպառ:

Այլ այսու ամենայնիւ ըստ ինքեան իսկ քաշայայտ է, զի թէ այնքան ճոխ թագաւորութիւն մեր, և իշխանութիւն և անհամար բազմութիւն անհետացեալ են բոլոր հարստութեամբ իւրեանց, փոքր միւս ևս՝ անհետանալ ունէաք ամենէին և մեք սինլքորքս նոցին, և որպէս կորուսեալ եմք զամենայն ազգական արժանաւորութիւնսն մեր, այնպէս կորուսանելոց էաք նաև զանուն ազգական և զհաւատն քրիստոնէական ի նախատինս մերոց անարժանութեանց աստուածային ամէնողորմած այցելութեանց մինչև ցվաղճան:

Բայց՝ ահա՛ զոհանամք զանսահման խնամակալութեանց աստուծոյ և տեառն մերոյ, զի ոչ իսպառ բարկացեալ մեղ, և ոչ յաւիտեան պահեալ ռիս՝ ըստ սաղմոսողին, յարոյց մեզ զեղջուր փրկութեան ի հասեալ ժամանակի այսմիկ զօծեալն իւր զտիեզերակալ ամենօգոստափառ մեծ կայսրն ամենայն Ռուաց Նիկօլայ Առաջին, որ ի ծագաց հիւսիսոյ տարածեալ զթևս իւր, գտանի ահաւասիկ հովանաւոր հայրենեաց Հայաստան ազգի Արարատեան աշխարհի, և՛ փրկիչ, և՛ ազատիչ նոցա հզօր ձեռամբ և բարձր բազկաւ:

Իսկ ապա՝ որպէս ազգն Իսրայէլի ի ժամանակի այցելութեան իւրեանց զգային յանձինս իւրեանց զշնորհ ողորմութեանց աստուծոյ անպատում մարդասիրութեամբ հասեալ ի փրկութիւն իւրեանց, և ոչ անգիտացեալ վասն արժանաւորացն ինքեանց առ այն, սաղմոսէին միաբանութեամբ: Ի դարձուցանել տեառն զգերութիւն Սիօնի և եղաք մեք մխիթարեալք: Յայն ժամ լցան բերանք մեր խնդութեամբ և լեզուք մեր ցնծութեամբ: Յայն ժամ ասասցեն ի հեթանոս՝ մեծ արար տէր զառնելն իւր ընդ նոցաս, մեծ արար զառնելն իւր ընդ մեզ, և մեք եղաք բերկրեալք: Դարձո տէր զգերութիւնս մեր որպէս զովսս ի հարաւոյ, ոյք վարէին արտասուօք, հնձեսցեն ցնծութեամբ ւն (և այլն—Մ. Խ.): Այնպէս և այժմ կայ մնայ ձեզ ամենեցուն՝ զգալ յանձինս ձեր՝ զայս

անպատում շնորհ աստուածային մեծ ողորմութեանց՝ եկեալ հասեալ ի փրկութիւն ձեզ: Քանզի այս է ահա՝ կանխագուշակ մարգարէութեանց սաղմոս երգուն՝ յայտնատեսիլ կատարումն առ ձեզ: Այնմ զոր ըստ աստուածային նախասահմանութեան սքանչել արուեստ նկարագրէ: Խրատեաց զնա և պահեաց որպէս զբիր ական, որպէս զարծուի ի թևս իւր ընկալաւ զնա և որպէս ի վերայ ձագուց իւրոց գթացաւ: Տարածեաց զթևս իւր և ընկալաւ զնա, և բարձեալ բերէ ի վերայ միջնողաց իւրոց: Էաժ, հՀան զնոսաս ի զօրութիւնս երկրի ւն:

Դուք իսկ զմտաւ ածէք, գիրք ի կշիռ խորհրդոց ձերոց, և զարհուրեցցին իսկոյն՝ անձինք ձեր՝ վասն խրատուց աստուծոյ առ ազգն Հայոց՝ այնքան հարիւրաւոր ամօք, այնքան սարսռելի դժուարակրութեամբ նոցին ի ներքոյ բարբարոսական բռնակալութեանց: Զմտաւ ածէ՛ք, և դիր նոյնպէս ի կշիռ խորհրդոց, և սքանչասցին հոգիք ձեր վասն սքանչելի պահպանութեանց աստուծոյ ազգն մեր յամենայն անբերելի տառապանս նոցին՝ լուսաւոր և սուրբ հաւատովք քրիստոնէութեան անարատ մինչև ցայսօր որպէս զբիր աչաց: Զմտաւ ածէք և դիր ի կշիռ խորհրդոց, և տեսցին աչք հոգւոյ ձեր և մարմնոյ՝ զայս մեծ փրկութիւն աստուծոյ յաւիտենականի այժմ ի սմին ժամանակի եկեալ հասեալ ձեզ անպատում մարդասիրութեամբ, զի համաձայն գրելոցն՝ գթացեալ ի ձեզ որպէս ի վերայ ձագուց իւրոց, և հաճեցեալ ընկալնուլ զձեզ որպէս զարծուի ի թևս իւր. արդ ահաւասիկ հայեցարուք առաջ աչօք և տեսէք, զի արծուին երկազլուիս՝ դրօշակ քրիստոսաւսակ ամենողորմած կայսեր Ռուսաց՝ տարածեալ զթևս իւր ըստ ամենայնս սահմանս Ատրպատական աշխարհի ի միջի ձերում, ոչ խնայէ ձեզ զաշխատութիւն իւր բառնալ զձեզ յանուն աստուծոյ ի վերայ միջնողաց իւրոց, և ածել, հանել զձեզ ի զօրութիւնս երկրի հայրենեաց ձերոց՝ ուր և կամք իցին ձեզ՝ յաշխարհ Արարատեան յերեւան, կամ Նախիջևան, և կամ ի Ղարապաղ, ըստ ընտրութեանց և հաճոյից իւրաքանչիւրոց:

Վասն փրկութեան ազգին Իսրայէլացւոց՝ զՄովսէս առաքեաց Աստուծոյ յԵգիպտոս գաւազանաւ հովուութեան, իսկ վասն փրկութեան տզգի Հայոց եղելոց ի Պարսկաստան՝ տեսանեմք արդ առաքեալ զքաջայաղթ զօրավար զօրաց Ռուսաց զնորին բարձր գերազանցութիւնն բազում նշանաց կրօղ զենեւորալ ադիւտանդ՝ զենեւորալ օտինֆանտերի. Իւան Ֆեդորիչ Պասքևիչ² ահաւոր դրօշակաւ և հզօր զօրութեամբ իւրոյ կայսերական մեծութեան տիեզերասասան ինքնակալի ամենայն Ռուսաց:

Ապաքէն կայ և մնայ ձեզ ամենեցուն յայսմհետէ, ճանաչել զպարտաւորութիւն ձեր աստուծոյ ձերոց որպէս զբարի հաւատացեալ նորա, և ճանաչել զպարտաւորութիւն ձեր որդւոց և զաւակաց ձերոց յայսմհետէ մինչև յաւիտեան՝ որպէս զմարդ արժանացեալ աստուածային պարգեաց բանականութեան, և ոչ կորուսանել զժամանակ այսպիսի անպատմելի օրինակաւ այցելութեանց աստուծոյ ձեզ և մեծ ողորմութեանց:

Յայտնի են ձեզ ամենեցուն բաւականութեամբ չափ՝ անցեալքն ամենայն, որպէս ձերն, նոյնպէս և հարցն ձերոց և պապուց և ամենայն նախնեաց փառաւորութիւնքն և անարգութիւնքն, հարստութիւնքն և աղքատութիւնքն, լայնութիւնքն և նեղութիւնքն ամենայն ժամանակաց մինչև ցայսօր, և կարօղ էք իմաստուն խորհրդածութեամբ բարուք մտածել և քննել արժանապէս, զի

թէ մինչև ցայժմ ո՛չ դուք, և ո՛չ նախնիք ձեր շէք ունեցեալ զմխիթարութիւն և զյոյս բարեաց, զինչ ևս այսուհետև կարող իցէք դուք ունիլ զյոյս:

Գիտեմ, զի սիրելի են ամենեցուն հող և ջուր ծննդական տեղւոյ, և ամենայն ստացուածք իւրաքանչիւրոց՝ տուն, այգի, ջրաղաց և այլ ինչ այնպիսիք, այլ զի ո՛չ դուք, և ո՛չ նախնիք ձեր զօգուտն այնոցիկ շէք վայելեալ հանդստութեամբ անձանց, որդիք ձեր ևս չունին վայելել բնաւ ո՛չ այժմ, և ո՛չ յաւիտեան, և փորձեալն կրկին փորձելն է աններելի յիմարութիւն ընդդէմ մարդկային բնաւորութեանց:

Տունք ձեր և այգիք և ջրաղացք ոչ արժեն զգինս անձանց ձերոց կամ կենաց ձերոց, և կամ հոգւոյ, և թէ ի պատճառս այնոցիկ կորուսանել ունիցիք զայս աստուածապարզ և ժամանակ սքանչելի եղանակաւ ազատութեան ձերոյ և փրկութեան մարմնոյ և հոգւոյ ձեր և ամենայն ազգի ձերոյ, արկանէք ընդ դատապարտութեամբ աստուծոյ և ամենայն ազգատոհմի ձերոյ՝ զանձինս ձեր, և յիշատակ ձեր մնայ ձեզ արձան յաւիտեանական նախատանաց:

Կինն Ղովտայ, զի ոչ փութացաւ ելանել ի լեառն ըստ բանի հրեշտակին, և զև արձան աղի, այլ ոչ կարաց ունիլ զհամ աղի: Եւ եթե ազգն Իսրայէլացւոց չէին աճապարհալ անցանեալ ընդ Մովսէսի ընդ ծով Կարմիր, կամ մնային գերի հաւիտեանական անդէն յԵգիպտոս, և կամ ընկղմէին ի դառնութեան ջուրց Կարմիր ծովուն ըստ օրինակի Եգիպտացւոցն, այլ զի փութացան և անցին ընդ Մովսէսի, ժառանգեցին զամենայն բարիսն աստուծոյ պատրաստեալ ինքեանց: Զմտաւ ածէք ուրեմն և զգուշացարուք վասն ձեր և վասն սերնդոց ձերոց, զի ահաւասիկ բացեալ է ձեզ տէր աստուած ձեր զծովն Կարմիր և պատրաստեալ վասն ամենեցուն ձեր զճանապարհ ցամաք և՛ ընդարձակ, և՛ պարզեալ է ձեզ առաջնորդ հօր, որ կարող է աներկիւղ ի ծովէ և յամենայն բռնութեանց թշնամութեանց ձերոց առաջնորդել ձեզ և հանել զձեզ յերկիր ձերոց հայրենեաց ի ներքոյ քաղցր հովանաւորութեան օծելոյն աստուծոյ թափալորի և կայսեր ամենայն Ռուսաց:

Յոյսն աստուածային ընդ ամենայն տեղիս միեւնոյն է վասն ձեր, այլ և վասն յուսոյ նորին կայսերական մեծութեան հաւատարմացուցանեմ զձեզ զամենեսին նորին, իսկ ամենապատիւ բանիւ՝ ըստ ամենողորմած հրամանագրոյն շնորհեցելոյ մեզ յամին անցելոյ: Թէ ի լինին ձեր ի հաւատարմութեան իւրոյ կայսերական մեծութեան, ողորմութիւնք նորա լինելոց են միշտ ձեզ ամենեցուն աննուազելի առատութեամբ և հովանաւորութիւն նորա ունի ապահովացուցանել զձեզ ամենայնիւ, և վերածել զազգատոհմն մեր յիւրեանց արժանաւորութիւնն ազգական, ոյր վասն յատկապէս առաքեցի առ ձեզ զգերայարգ Ստեփանոս եպիսկոպոս Թիֆլիզէցի³ և զնիկողայոս վարդապետ⁴ նուիրակն ձեր նախածանօթ ձեզ, որպէսզի նոքա աւելի քան զոր գրեմքս մեք՝ քարոզելով ձեզ վասն ամենայն պարտապատշաճ եղելոցն հոգեւորականութեանց մերոց և ազգական հարազատութեանց, զարթոնցեն զմիտս ձեր և զհոգի առ ընտրութիւն բարեաց և չարեաց ներկայականաց և ապագայականաց վասն ձեր և վասն սերնդոց ձերոց: Եւ մեք եմք և մնամք աղօթարար վասն ձեր:

Արքեպիսկոպոս Հայոց Վրաստանու Ներսէս:

Մատենադարանի արխիւ, Ներսէս Աշտարակեցու ֆոնդ, ց. 54, Թղթ. 166, պ. ԻԹ, վ. 928, Բ. 114—119:

№ 2

Ներսես Աշտարակեցու կոչը Ատրպատականի ճայերին

1828 թ. փետրվարի 25,
Երևան

Ամենապատուելի Հասարակութեան Հայոց բնակեցելոց յամենայն նահանգս Ատրպատական աշխարհի ի քաղաքս և ի գեօղս հոգևորականաց և մարմնաւորականաց՝ աւետարանական առաջնորդաց՝ եպիսկոպոսաց, վարդապետաց, աւագ երիցանց, քահանայից և ամենայն ուխտի մանկանց, նաև գերապատիւ խան և սուլթան անուանակրաց, արզոյ մէլիքաց, քեւսայից, տանուտէրանց, վաճառականաց, երկրագործաց և յիւրաքանչիւր կացութեան եղելոց ողջոյն քրիստոսական նուիրեմ բազմապատիկ օրհնութեամբ: Այլև աղօթս առնեմ, զի շնորհն աստուծոյ առատացի ի վերա հոգւոց և մարմնոց ձերոց, կարողացուցէ զմիտս ձեր և զխորհուրդս, և արժանի արասցէ զձեզ զամենեանն ընտրութեան մասին բարեաց մարմնոյ ձեր և հոգւոյ:

Անկեղոյն Հայաստանի կալեալ զձեռանէ ի ձեռն ձեռին օծելոյ իւրոյ՝ կամի տէր յարուցանել զնա ի հասեալ ժամանակի յայսմիկ անճառ մարդասիրութեանց իւրոց՝ ո՛վ ամենապատուելի հայկազունք: Եւ գիտէք դուք ամենեքին, թէ մեռեալ էր Ղազարոս շորեքօրեայ, այլ զի մարդասիրութիւն Քրիստոսի աստուծոյ իւրոյ տարաւ զնա ի գերեզման մեռելոյն, թէպէտև հոտեալ էր մեռեալն որպէս և ընթերցեալ լինի յԱւետարանն սուրբ, այլ՝ այնուամենայնիւ բացեալ զականջս իւր ձայնին Քրիստոսի, իսկոյն ընդ լսելն թէ՝ Ղազարէ՛, արի՛ ե՛կ արտաքս, վերապատուեալ զձայնն կենդանարար՝ եւ մեռեալն ոտիւքն կապելովք և ձեռքն երիզապնդօք:

Գիտէք և զայն, թէ հովիւ էր Մովսէս, և յորժամ գթացաւ աստուած ազգին Իսրայէլի՝ զնոսա առաքեաց յԵգիպտոս ազատել զնոսասի կաւաշաղախ գերութեան իւրեանց, այլ զի ծանր էր հովուի ազատութիւն բազմութեան ժողովրդոց ի հզօրեղ բռնակալութեանց ահեղ թագաւորութեանց գահի հարեալ Մովսէս հրաժարեցուցանէր զանձն իւր, այլ զի կամէր աստուած փրկել զժողովուրդ իւր, զօրացուցանէր զնա և ասէր. երբ դու և ես փրկեցից զժողովուրդ իմ հզօր ձեռամբ և բարձր բազկաւ:

Նոյն Քրիստոս է մեզ այժմ, ո՛վ լուսաւոր որդիք սրբոյ Լուսաւորչին Հայոց, որ նովին առատ մարդասիրութեամբ ելեալ է յայցելութիւն ձեզ, և նոյն կենսատու ձայն է, որ գոչէ առ ձեզ իմանալի բարբառով իւրով. արի՛ք կանգնեցարո՛ւք ի բազմաժամանակեայ անկմանէ ձերմէ, արձակեցարո՛ւք ի կապանաց ձերուց, լուծէ՛ք զշղթայս անարգ գերու, ելէ՛ք ի գերեզմանահանգոյն վայրաց, յորս տառապեալքդ էք ամօք հարիւրաւորօք՝ զուրկ յամենայն վայելութեանց աշխարհիս այսորիկ, և երթայք ի տուն ձերոց հայրենեաց ըստ օրինակին Ղազարու, որ յարուցեալ ի գերեզմանէ զնաց ի տուն հօր իւրոյ:

Եւ նոյն աստուած է, որ առաքեալ է առ ձեզ ոչ զհովիւն տկար Մովսէս, այլ զզօրեղ զինուորորդիւնս օծելոյն իւրոյ մեծ տիեզերակալի ինքնակալի ամենայն Ռուսաց Նիկողայ Պաւլովիչի, որ տարածեալ է ահա առ ձեզ ընդ ամենայն սահմանս Ատրպատական աշխարհի:

Ապաքէն որպէս քարոզէր հովիւն Մովսէս ազգին Իսրայէլի: Յուշ լիցին ձեզ աւուրքն առաջինք, իմացարո՛ւք զամս յազգաց մինչև յազգս: Զնոյն և ես դարձուցանեմ այժմ առ ձեզ առ ամենապատուելի Հասարակութիւն ազգի Հա-

լոց, որք բնական է ընդ ամենայն սահմանս Ատրպատական աշխարհի ի քաղաքս և ի դեօղս նահանգաց իւրաքանչիւրոց: Յուշ լիցին ձեզ աւուրքն առաջինք: Յուշ լիցի ձեզ մարդասիրութիւնն Քրիստոսի և բանալն զականջս իւր ձայնին Քրիստոսի՝ մեռելոյն Ղազարոսի: Յուշ լիցին ձեզ գերիաք Խորայէլացւոցն յԲգիպտոս, որք յառաջոյ իւրեանց ունելով զԹովն Կարմիր՝ առանց երկբայութեանց ի վերայ աստուածային մեծ ողորմութեանցն ինքեանց՝ ամենաբարեպաշտ հաւատով և կատարեալ յուսով զհետ ընթացեալ առաջնորդութեանց աստուածառաք հովուին, անցին ընդ անդունդս խորութեան ջուրց ծովուն՝ յերկիր աւետեաց յԵրուսաղէմ քաղաք: Յուշ լիցին ձեզ տէրութիւնք և՛ զօրութիւնք, և՛ ամենայն փառաւորութիւնք, և՛ իշխանութիւնք նախնեացն մերոց Հայոց: Յուշ լիցին ձեզ հայրենիք Հայաստանի և ճոխութիւնք հարստութեանց և ամենայն վայելչութեանց Արամեանս տոհմի: Յուշ լիցին ձեզ կորուստ ամենայնի այնոցիկ և զրկանք ժառանգաւորաց Հայաստան ազգի և աշխարհի: Յուշ լիցին ձեզ հարքն ձեր և տառապանքն նոցա և վիշտ անհնարինք: Յուշ լիցին ձեզ անարգութիւնք նոցին և ողբք և արտասուք վասն զանազան թշուառութեանց և ազգի ազգի դառնատանջ շարշարանաց, և անտանելի նեղութեանց, գերութեանց և ուրացութեանց: Յուշ լիցին ձեզ աւուրքն Նոյի, յորս որք ոչ կամեցան մտանել ի տապանն՝ հեղեղաւ ջրոցն հետեցելոց՝ հեղձամղձուկ եղեալ, ոչնչացան առ հասարակ: Յուշ լիցին ձեզ փեսայք և բարեկամք Ղովտայ, որք ոչ լուեալ ձայնի հրեշտակացն կամ արդարոյն, որք հրաւիրէին փութալ ելանել ի լեռան փրկութեան, այրեցան ի Սողոմ ի բոց հրոյն ծծմբոյ: Յուշ լիցին ձեզ ամենեցուն բանք իմ այսոքիկ, զորս արժան է դմտաւ ածել այժմ ամենայն ազգի Հայոց, և դնել ի կշիռ ընտրութեանց հանձարւոր խորհրդոց, զի թէ մեռեալն իսկապէս՝ լուեալ ձգայնն կենդանարար առանց օգնականի ինքնին իսկ ոտիւքն կապելովք և ձէռքն երիզապնդօք յարուցեալ իսկոյն՝ ել ի գերեզմանէ, և կենդանեաց եղև ժառանգակից և ազգն Խորայէլի ելեալ յԲգիպտոսէ՝ եղև ժառանգաւոր երկրին աւետեաց և սրբոյ քաղաքին Երուսաղէմի: Այժմ, ուրեմն, եթե այս ահագին ձայն ազդեցութեան Քրիստոսի աստուծոյ մերոյ ոչ ունիցի ներգործել յականջս ձեր, և ոչ զարթուցէ զմիտս ձեր և զխորհուրդս առ ի քննել և զչափ առնուլ անհուն մարդասիրութեանցն աստուծոյ առ ձեզ, և այսպիսի հզօր ձեռնկալութիւն օծելոյ նորա ոչ զօրեացէ կանգնել զձեզ, անկումն ձեր՝ եղիցի յետ այսորիկ անկանգնելի յաւիտեան, և վտանգն հանդերձեալ ձեզ՝ եղիցի առաւել, քան մնացելոցն արտաքոյ տապանին Նոյի և փեսայիցն և բարեկամացն Ղովտայ մնացելոցն ի Սողոմ, և պարտաւորութիւնն ձեր այցելութեանց երկնից, և անփրկանաւոր գերութեանց որդւոց և զաւակաց ձերոց յազգս յազգաց՝ եղիցի ձեզ աններելի, և թմբրութիւն բանականութեանց ձերոց համարեսցի ձեզ առաւել, քան զճշմարիտ մեռելութիւնն Ղազարոսի: Եւ ես, եթե զիս ոչ համարէի պարտական ձեզ՝ որպէս հովիւ և առաջնորդ ժողովրդեան իմում հայրենի ազգի, ոչ բնաւ յօժարէի գրել առ ձեզ զսոյն: Այլ զի պարտական եմ առաջի աստուծոյ՝ վկայեմ ձեզ, զի որքան ժամանակ է խտրութիւն ազգական՝ կամ հաւատոց մահմէտականութեան և քրիստոնէութեան ի կամս և ի դատաստանի մտաց պարսից տէրութեան, անարժան է քրիստոնէից ունիլ զոյս, և լինիլ ակնկալ թագաւորավայելուչ հասարակախնամ հովանաւորութեանց նորա, կամ պատկանաւոր հաւատարիմ հպատակութեանց մարդասիրական շնորհաց՝ մեծութեանց, իշխանութեանց, պատուոյ, փառաց, ճոխութեանց,

հարստութեանց, կատարեալ ապահովութեանց և այլ ամենայն մարդկութեան արժանաւոր բարեմասնութեանց, որում փորձառու էք առ հասարակ ի յաւիտենից ժամանակաց: Իսկ ապա հարազատ կարեկցութեամբ որպէս ծառայ Քրիստոսի և որպէս հովիւ ժողովրդեան նորա ըստ նախամարգարէին Մովսիսի՝ վկայեմ ձեզ, զի յատուկ մարդասիրութեամբ աստուծոյ առ ձեզ՝ հասեալ է ահա փրկութիւն նորա ի վերայ ձեր և առաջի կայ ձեր ոչ փախստեայ յառաջոյ փարաւոնի և զօրաց նորա ընդ ճանապարհ անակնկալ դիմել ի ծով Կարմիր, այլ անահ աներկիւղ ամենաապահով պաշտպանութեամբ յաղթող զօրաց Ռուսաց անցանել միայն ընդ Երասխ գետ, յետ որոյ ունիք վայելել զերկիր աւետեաց, զերկիր Երուսաղէմի, այս է երկիր խաղաղութեան, լի ամենայն մխիթարութեան և մեծ ապահովութեամբ ըստ մեծ ողորմութեանց և բարի գութ հովանաւորութեանց հասարակախնամ հայր, քան թագաւոր աստուածանման ամենօգոստափառ ինքնակալի և մեծ կայսեր ամենայն Ռուսաց, որոյ հարազատ հպատակաց երջանկական վիճակին՝ ունիք օրինակ ձեզ, աւանիկ ի ձերում միջի թող զբազմութիւնն զանազան ազգաց եւրոպացւոց, ըստ զանազան հաւատոց, նա իսկ՝ և զբազումս ի Հայոց գերաստիճան արժանաւորութեամբ մեծավայելուչ փառօք պատուեալ անզանազան ընդ իշխանս հօրաց բուն ազգի կայսերութեան Ռուսաց, յորս քաջադէպ նպատակ ամենեցուն ձեր տեսանէք ակն յանդիման զնորին վեհազնութիւն աղայ Եղիազար Յովակիմեան Եղիազարեանց՝, որոց բազմահոշակ տունն մեծակառոյց՝ թողեալ յԱսպահան ի Նոր Զուղայ՝ այժմ ևս գովաբանի ի լեզուս բազմաց: Իսկ տունն նորակերտեալ անդ ի Ռուսաստան:

Փայլեալ առաւելապատիկ պայծառութեամբ, գտանի պարծանք հայրենեաց ճոխութեամբ, հարստութեամբ, հասարակօգուտ բարերարութեամբ և ազգի ազգի առաքինագործ ազգասիրութեամբ: Իսկ կապեալքն ի տունս և ցայդիս և ի քարինս ջրաղացաց իւրեանց անդէն յԱսպահան՝ տեսողացն է յայտնի, թէ ո՞րպէս առ հասարակ գտանին կապեալք և կաշկանդեալք ի մշտնջենաւոր յաղթատութեան իւրեանց և ի մեծ ողորմելութեան:

Յանձն արարեալ յատկական շնորհաց և ակնարկութեանց աստուծոյ ամենաբաւականի զձեզ զամենեւին, եմ և մնամ միշտ բարեմաղթ վասն ձեր:

Արքեպիսկոպոս Հայոց Վրաստանու Ներսէս

Մատենադարանի արխիվ, Ներսէս Աշտարակեցու ֆոնդ, ց. 54, թղթ. 166, գլ. 18, վ. 1071:

№ 3

Ներսէս Աշտարակեցու կոչը Մակուի և շրջակա գյուղերի հայերին

1828 թ. ապրիլի 12,
Էջմիածին

Պատուելի հասարակութեան Հայոց բնակեցելոց ի բերդին Մակուայ և յայլ ափւղօրայս սրբակրօն քահանայից և մեծահաւատ ժողովրդականաց մեծիքաց և քեթխուտայից և ամենայն մեծաց և փոքունց ողջոյն քրիստոսաւանդ բազում օրհնութեամբ:

Հաւատամք թէ ի գալստեանն Քրիստոսի մեռեալք յառնելոց են ի գերեզմանաց իւրեանց. ըստ որոյ արժան է զմտաւ ածել, սիրեցեալք, զի թէ մե-

ռեալը յառնեն ի գերեզմանաց ի գալստեան տեառն ուրախացեալք ի վերայ մէծ ողորմութեանցն աստուծոյ, դուք՝ կենդանիքդ, երբ այժմ ականատես լինիք, թէ այսպիսի անճառելի ողորմութեամբն իւրով բացեալ է ձեզ աստուած այսպիսի դուռն ողորմութեան, որ առանց արգելանաց և առանց հակառակութեանց ձերոց թշնամեաց կարօղ էք դուք ազատել զձեզ և զորդիս և զամենայն զսերունդս ձեր ի հազարամեայ տառապանաց և յամենայն հոգևոր և մարմնաւոր վնասուց, եթե ո՛չ բազում ուրախութեամբ փութասցիք ելանել և դալ ժամանել ի սահման Ռուսաց ամենողորմած տէրութեան, այնուհետև ձեր մտաց թմրութիւնն համարի ձեզ առաւել քան զմեռելութիւնն թաղելոց ի զերեզմանի։ Եւ վասն այնորիկ մնալ ունիք դուք յաւիտենական պարտաւորութեամբ պարտաւոր միշտ առաջի աստուծոյ վասն ձեր և վասն սերնդոց ձերոց յազգաց մինչև յազգս։

Ապաքէն որպէս հայր ձեր հոգևոր և որպէս պարտական ձեզ առաջի աստուծոյ համաձայն մարգարէական բանին որպէս դրեալն է, թէ՛ որդի մարդոյ դէտ կացուցի զքեզ տանդ Իսրայէլի, եթէ դու զգուշացուցես զժողովուրդն վասն շարեաց եկելոց ի վերայ նոցա, և նոքա ոչ կամեսցին լսել քեզ՝ նոքա յանօրէնութեան իւրեանց կորնչին և դու զանձն քո ապրեցուցես։ Ահա ես վասն ազատելոյ ի պարտաւորութեանց զանձն իմ գրեմ ձեզ զսոյն գիր և հրաւիրեմ զձեզ զամենեսին մտածել զամենայն անցեալ վատաբախտութիւնսն ձեր և զգուշանալ վասն ապագային, բարեք գիտելով, թէ որ ինչ եղեալ է յառաջագոյն, նոյնն լինելոց է յետ այսորիկ։ Եւ ըստ այնմ ոչ կորուսանելով զշնորհ մեծ ողորմութեանցն աստուծոյ առ ձեզ քանի բաց են ձեզ ճանապարհք ձիր, և բռնութիւնք բռնակալացն ի վերայ ձեր տկարացեալք են առաջի ահաւոր զօրութեանց քրիստոսազօր կայսեր ամենայն Ռուսաց զամենայն օգուտն ձևի այլր և զտուն ձեր և զայլ ստացուածս անշարժականս առ ոչինչ համարեալ վասն ազատութեանց և վասն ամենայն բարութեանց մարմնոյ ձեր և հոգւոյ մի օր յառաջ ճանապարհորդեսցիք ի սահման Ռուսաց, և յետ այնորիկ կարող էք յամենայն ժամանակի հետզհետէ հանել և բերել առ ընտանիս ձեր զամենայն զծանրութիւնս տնականս։ Ապա, եթէ հարիւրաւոր ամօք փորձառութեանց ձերոց միւս անգամ ևս խաբեցեալք ի շողորթ բանից և ի զանազան սուտ խոստմանց ձերոց իշխողաց յօժարեսցիք մնալ այդր, գիտասցիք, զի վասն ամենայն հոգևոր և մարմնաւոր վնասուց ձերոց մնալոց էք անպատասխանի առաջի աստուծոյ և առաջի մարդկան։

Ո՛ղջ լերուք, և մեք եմք, և մնամք վասն բարեացակամ։

Արքեպիսկոպոս Հայոց Վրաստանու Ներսէս։

Մատենադարանի արխիվ, Ներսէս Աշտարակեցու ֆոնդ, ց. 54, թղթ. 166, գլ. ԼԲ, վ. 1119։

№ 4

Գեներալ Լապտեի կռչը Ումիայի քրիստոնյա բնակիչներին

1828 թ. ապրիլ (”),

Հասարակ ժողովրդոցն քրիստոնէից Ումիա՝ յայտարարութիւն ի դիմաց չիններալ Լափթիֆ⁶ զօրապետին Ռուսաց, այսինքն։

Առհասարակ քրիստոնեայք նահանգին Որմի գիտասցեն՝ զի զօրքն Ռուսաց մնալոց են մինչև ամիսս հինգ ի հոյ նահանգի։ Եւ ի նահանգին Որմիս մնալոց են այս օրից մինչև մեկ ամիս, վասն այսորիկ իմացուցաք ձեզ՝ զի ով ոք կամիցի գնալ և բնակիլ յերկիրն Ռուսաց, փութասցի ի պատրաստութիւն գնալոյ աստէն վաղագոյն։

Ի տասն և հինգերորդ պայմանադրութեանցն հաստատելոցն ի մէջ հաշտութեան ի մէջ երկուց կայսերութեանց, այսինքն Ռուսաց և Պարսից ի Թուրք-մենչայ ի 10 փետրվարի 1828։

Արժանաւոր կամեցաք հաստատելսյ զհաշտութիւնն ի մէջ երկուց տէրութեանց, և ներել իւրեանց հպատակեալ ծառայիցն զամենայն զվնասս, զորս գործեալ են ի ժամանակս պատերազմին, զոր այժմ հաստատեցաք յայսմ վայելուչ հաշտութեանս միջի։

Նորին վեհափառութիւնն՝ շահն պարսից ներեաց միանգամայն ամենայն մեծամեծացն նահանգին Ատրպեճանու (Ատրպատականի—Մ. հ.) զամենայն զմեղս իւրեանց, առ ամենայն ոք բնակիչք երկրին յայնմիկ, որպէս ի ժամանակս պատերազմի հպատակութեամբ էին նոյնպէս և այժմ յամենայն դիմաց մի և նոյն ձև եղիցի, որքան որ զօրքն Ռուսաց կան յաշխարհս Ատրպեճանու ամենայն զգուշութեամբ։

Բաց յայսմանէ այսմ օրից մինչև ցտարի մի ժամանակ և միջոց հրամայեալ եղև ժողովրդոց հասարակաց, զի ունիցին զճանապարհ իւրեանց արձակ առաջի աչաց իւրեանց. գնալոյ հանգստութեամբ ամենայն ընտանեօք և ընչիւք իւրեանց յերկիրն Ռուսաց, և վասն ապարանց նոցա րաց ի անժարժ կայից, որք կամիցին ծախելոյ կամ ընդ իւրեանց տանելոյ, ամենեկին ո՛չ կառավարութիւնս, և ո՛չ մի ոք յերևելի իշխանութեանց չկարողասցի արգելել նոցա կամ խառնիլ ի գործս նոցին, և մինչև ցկէս փող այս գնացողաց ո՛չ գիւմրուկ ո՛չ ախտարի և ո՛չ այլ խարջ չառնիցեն, նոցա ծախելոյ կամ տանելոյ բաներիցն, և վասն մուլքից նոցա հինդ տարի ժամանակ հրամայեցին, որ քիչ-քիչ համբերութեամբ վաճառեսցեն, և ոչ ոք արգելիչ լիցի։ Եւ այս մեկ տարի ժամանակումն, եթէ սոքա համարձակեսցին պակասութիւն ինչ ընդդէմ այսմ պայմանադրութեան առնել ըստ ժողովրդոց իսկոյն բռնել և սաստկապէս պատժել։

Մատենադարանի արխիվ, ֆ. կաթողիկոսական դիվան, ց. 7, թղթ. 59, վ. 563։

№ 5

Բարսեղ եպիսկոպոսի տեղեկագիրը պարսկաճալերի արեագաղթի մասին

1828 թ. հունիս (?),
էջմիածին

Պատմութիւն գաղթթահանգոյն համառօտակի։

Յաղագս հրաւիրելոյ զհամայն ազգն Հայոց գԱտրպատականս առ ի վերաբնակեցուցանել յայսկոյս մեծի գետոյն Երասխայ, յօրհնաբանեալ յերկիր կայսերական ի հայրէնի և ի սեպհական վիճակ Հայկազեանս տոհմի, ջանիւք և յորդորական քարողատութեամբ Բարսղի նուառա եպիսկոպոսի⁷ և առաջ-

նորդի, աթոռոյն և համայն վիճակացն սրբազան առաքելոյն Թագդէոսի, որ յԱրտագ զաւառի:

Ընդ սմին, նաեւ պատմութիւն յաղագս արկանելոյ զտէրունեան սուրբ խաչն աստուածընկալ ի ջուր հանդիսահաշակ խորհրդով յեզր արքայանիստ Դարէժ քաղաքի ի դետն կարկաշատ, որք ի փրկչական թուաբերութեան:

Ի 1827, յամսեանն դեկտեմբերի. 27 սկսեալ լինի: Մինչ ես նուաստ Բարսեղ եպիսկոպոսս, սրբազան առաքելոյն Թագդէոսի վանաց և վիճակաց նորին առաջնորդ, լինէի ի խօյ քաղաքի ի վիճակս իմ ի 1827 թուականութեան և ի դեկտեմբերի] ամսոյ յայնժամ ընկալայ ի ներսէս սրբազան արքեպիսկոպոսէ և ի ծայրագոյն հոգևորական կառավարչէ դասուցս հոգևորականաց նամակ իմն, յորում գրէր յերևանայ, իմոյ նուաստութեան, նաև այնու, հարցումն ցիս հարցանէր այսպէս, թէ հնարաւոր իցէ արդեօք զամենայն Ատրպատակային Հայազնեայսն մեր անցուցանել յայնկուսէ յայսկոյս Երասխ գետոյն, ի ներքոյ հովանաւորութեանն ողորմածագունեղի կայսերն ամենայն Ռուսաց, և յատկացեալ թագաւորի Հայոց, զի սիրելի ազգն մեր հայոց, ազատս կացցեն ի հարիւրաւոր ամեայ պարսկային անըմբերելի բռնութեանցն:

Ապա՝ յ7-ի նոյն յիշեալ ամսոյ, զկնի երկուց աւուրց, այլ իմն գիր ևս ժամանեաց առ մեզ ի գերապատիւ պօլկովնիկ աղայ Եղազարէն կաղարովեանց Մօսկովեցոյ, մինչ էրն սա ինքն ի գիւղաքաղաքն Տուխարզան⁸, որ հեռի է ի Դարիժու 40 վերստ ճանապարհաւ: Սոյն քարտէն ևս համաձայն գտանիւր սրբազան ներսէս արքեպիսկոպոսի դրութեանն, զի գրէր յորդորմամբ սիրելի՛ բազմավատ ազգն իմ Հայոց. բացցեն զհոգւոյ զաշս իւրեանց, և տեսցեն զՔրիստոսապսակեալ կայսրն ամենողորմած և եկեցցեն ընդ հովանեաւ խնամատարած թեոց նորա, և կեցցեն ի յանդորրու վիճակ ցյաւիտեան զերծեալք ի հեթանոսական հարստահարութեանց:

Ի վերայ այսր ամենայնի, մանաւանդ տեսեալ զչերմ փոյթ հայրենասիրութիւն ազգասէր հօր մերոյ սրբազան ներսէս արքեպիսկոպոսի, յաւելայ ի ջերմեռանդութիւն հոգւոյ և շարժեալ ի նախանձ հայրենասիրութեան հոգւով շափ փոյթ եղի այնուհետև գտանել զհնար յառաջա]դիմութեան բարեմտնօրէն մտաց նոցին և բարի խորհրդոց:

Եւ ապա յօր իննեորդի դեկտեմբերի, բազումս ստիպելով զխօյէցի Մարդար աղայն մահտեսի Եղիազարեան⁹, առեալ զնա ընդ իմ, գիմեալ զնացաք ի Դավրէժ, և ի 12 նոյն ամսոյ մուտ գործեցաք ի նմին քաղաք և մինչ ոչ էր անդանօր գերաստիճան Պասկովիչ կուսակալին. ելաք այտի գնալ ի Տուխարզան գիւղաքաղաքն և ուր ժամանեալ մեր և անդ գտաք զյիշեալ կուսակալն, ընդ նմին անգ էր և տղայ Եղազարն, ընդ որս և մեծ շահաւատայն մեծի քաղաքին Դարիժու, նայիպի սուլթանայն անդ ևս էր. այն, որ վարէր զիշխանութիւնն իւր ի Դարէժ քաղաք, Ապպազմիրզայ կոչեցեալ արքաորդին¹⁰, և ուր անդ միաբանեալ ընդ միմեանս կամէին արկանել զհիմն խաղաղ հաշտութեան, և մնացեալ մեր յայն գիւղաքաղաք յուրն օր յաւուր տօնի ծննդեան ըստ Ռուսաց, այս է 25 դեկտեմբերի] ի 1827 ամին յայժմ տեսաւորեցաք ընդ բարձր գերապատիւ Պասկովիչ կուսակալին. և ապա բացածանուցաք նմա զմիտս, և զառիթ առ նա դիմելոյն մերոյ, յայտնելով նմին նաև՝ զմիտս գրութեանցն սրբազան ներսիսի արհուոյն և աղայ Եղազարին, և ապա խօստացաք նորին բարձր մեծութեանն այսպէս ասելով, թէ՛ ախորժիք և լինիք մեզ ձեռնտու. մեք կարօղ եմք սիրայորդոր քարոզութեամբ մերով զմիտս ազգին մերոյ Հայոց:

դալ և շուեւ զամենեսին և վերաբնակիլ նոցա յայնկոյս Երասխայ գետոյն, օրհնեցեալ տէրութեան Ռուսիոյ մեծի:

Եւ Նորին բարձր մեծութեան հաւանեալ զայնպիսի բանախօսութիւնս իմ, և առ ի ճշմարտելոյ զնոյն խոստումն իմ. հրամայեաց ձեռս ղնել ի քարտզի և գրել իբր զմուրհակ ճշմարիտ դաշնադրութեամբ որպէս օրէնն է զսերունդ իմ և զգործ իշխանութեան մերոյ ի նմին նշանակելով, ճշգրտապէս և անսուտ միանգամայն, սմին իրի և աղայ Մարգարին հրամայեաց. զկնի այսոցիկ ամենայնի, որպէս վայելն էր իւրն մեծանունութեան խիւլայեաց զմեզ արժանաւոր խիւլիւ, զնուաստս և զՄարգար աղայն և ապա պատուիրեաց մեզ զնալ ի Դարէժ և անդ մնալ գալստեան իւրոյ բարձրութեան մինչև եկեալ ի Դարէժ. դրեցէ գիր ի վերայ իւրաքանչիւր նաչալնիկաց ի ձեռնտութիւն նոցին մեզ, և մեք այսպէս զամենայն կատարելագործեալ վերադարձաք այտի ի քաղաքն Դարէժ:

Ի 1828, ի 6-ն յունուարի, յաւուր տօնի ծննդեան տեառն մերոյ մինչ հանդերձեք մեք մեզէն կատարել զխորհուրդ մկրտութեան տեառն և ես յայն օր պատարագամատոյց գոլով, ահա էրիստով ղենեարալն¹, որ նախ ինքն յաղթութեամբ մուտ դործեալ էր ի քաղաքն Դարէժ, պատգամ առ մեզ առաքեաց, թէ պատրաստ լինիք դուք ևս կատարել զխորհուրդ մկրտութեան տեառն, ըստ օրինի եկեղեցւոյն ձերոյ (ցէրիմոնիեայով ասէր) և մեք ունիմք մեզ զքահանայ մի, և վայելուչ հոգեգուարձ հանգիստութեամբ ելցուք յեզր քաղաքին ի դալարուշ վայրի գետագնաց, յոր ի միասին արկցուք զսուրբ խաչն աստուածընկալ ի ջուր և մեք յայնմ աւուր մատուցեալ զսուրբ և զփրկաւէտ քրիստոսականն պատարագ, և յաւարտ պատարագին յայնժամ ահա առաքեալ էր ի վեր յիշեալ էրիստով ղենարալն ի դուռն սուրբ Աստուածածնայ եկեղեցւոյն Հայոց Դարիժու, զգունդս-գունդս զինուորական սուլտատաց և զտեսակաւոր կարգս մոզիգանդաց, և զամենայն վայելչաշուք զինուորական զարդս իւրեանց, ղի այն վայելուչ հանդիսիւ գնասցուք ի նշանակեալ տեղին, ուր պատրաստեալն էր թափել զուսակայլակ մեռնոն ի ջուր անդ, ըստ սմին սարասի և մեք ընդ մեզ պատրաստեալ ցզարդ պայծառութեան սրբոյ եկեղեցւոյն մերոյ. և մեր զգեստաւորեալ եպիսկոպոսն զգեստուք, և ի տօնի անդ դտանէին ևս վարդապետք և քահանայք, զնոքումբք ևս շուրջառու արկեալ, սարկաւագացն սաղաւարտապսակք և կղերիկոսք դպիրք ասղագործեալ շապկօք զարդարեալք, յայսպիսի վայելչագարդութիւն և զսուրբ աղանաձև անօթն սրբալոյս մեռնի ունելով ի ձեռս իմ, և վարդապետք ընդ քահանայսն, խաչակիրք շուրջ զինն ընդ տէրունական պատկերակրիցն, և ըստ բաւականին լապտերք ջահաւորեալք, ի ձեռս նորափթիթ պատանեկաց. և այսպիսի և առաւել քան զսոյն հոգեգուարձ հանդիսիւ, ելեալ ի սուրբ եկեղեցւոյն, ընդ մէջ անցեալ գնացաք ընդ մէջ բազմամբոխ պօղոտայից. և ազասաւորեալ սուլտատացն կէսքն զկնի մեր և կէսքն յառաջոյ, և մեք հոգևորական օրհներգ եղանակաւ ի միջոյ. մարմնաւորական մոզեգանդք հնչեցուցանէին զքերզս տեսակաւոր նուագարանաց, և աղաներամ դասք հոգևորականաց, ոչ դադարէին զերզս քաղցրանուագ երաժիշտականս, մինչև հասանիլ մեր յարգունական մեծ շուկայն, ուր տեղի միշտ մեծանուն տօնավաճարացն տաճկաց է. և անդէն կայ առեալ 5 ռոպպէ միջոցաւ և մոզիգանդացն Ռուսաց գամ, քան զգամ հնչեցուցանէին զգործիսն նուագարանաց. և այսպիսի հանդիսադրուատ յամրընթաց քայլա-

փոխութեամբ ժամանեցաք յեզր քաղաքին և Մեշեպաղ անուանեալ հրճուողական դետահոս վայրն:

Եւ ի կատարումն զայս խորհուրդ մկրտութեան տեառն մերոյ Յիսուսի Քրիստոսի, դտանէին անդէն, նախ ի հողեորականացն դասուց երկու եպիսկոպոսունք, հինգ վարդապետք, ութ քահանայք, չորս սարկաւազունք, 24 կղէրիկոսք: Իսկ ի մարմնաւորական զինուորեալ դասուցն Ռուսաց կային ի հոգիական հանդիսի անդ ընդ մեզ խորհրդակատարք. մի հատ քահանայ Ռուսաց. նաև յաստիճանադարդիցն էրիստով զէնարալն, Ճավճավազ զէնարալն¹², Սաքին զէնարալն¹³, և այլ բոլբովնիկք, Մովսէս կնէազ Արդութովն¹⁴ և այլ բարձր աղնուական աստիճանաւորք մինչև երկերիւր. և բազմութիւն սօլտատաց դասադաս կարդաւորելոց. էին մինչև ց8 հազարք. և այլ ամենայն խարնիճաւանճ բազմութիւնք Հայոցն մերոց քրիստոնէից. ի Դաւրիժու արանց և կանանց բաղումք էին յոյժ յոյժ, որք կային ի տօնի անդ սփիւռ տարածմամբ ի դալարոշ վայրի նոյն պարտիզին. սոյնպէս և ի տաճկացն ևս կայր բազմութիւնք ի տեսարանի անդ և կային ի սքանչացումն ափ ի բերան և մինչև կատարէաք զխորհուրդ մկրտութեան՝ ահա 24 մեծ թնդանօթք հետզհետէ արձակիւր և կարգք մոզիգանդաց ի մի վայր վայելչապէս հնչէցուցանէին զշեփորայս և զթմբուկս հարկանէին, մինչև զարմանալ ամենեցուն, թե զի՞նչ է նորահրաշ երեւալ մեզ այսօր, և այսպէս ուրախ լինէին ամենայն ազգ քրիստոնէից, ի ձայն ցնծութեան և բարեկենդանութեան օրհնէին, գովէին և փառաւոր առնէին զաստուած և յաւարտ կատարման սուրբ խորհրդոյ այնպիսի հոգեւոր և մարմնաւոր հանդիսավեհութեամբ և պատուադիր ուղարկաւորութեամբ ժամանեցուցին զմեզ վերստին ի սուրբ Աստուածածնայ եկեղեցին մեծի և հոյակապ քաղաքին Դաւրիժու:

Յավարտ այսոցիկ ամենայնի որպէս պայմանադրեալ էր մեզ բարձր գեղազանց կուսակալ Պասկովիչն, եկն յ8 յունուարի ի Տուզարգանայ ի քաղաքն Դաւրէզ և մեր զկնի երից աւուրց տեսեալ զմեծութիւնն նորին, ընկալաք ի նմանէ զնոր խոստացեալ հրամանագիրս, ի վերայ կողմնական և քաղաքական նաշանիկացն, որք ի Մարաղայ, յՈրմի, ի Սալմաստ և ի Խօյ ի վերայ Մարաղայու Բաքրանտիեվ զէնարալին¹⁵, Սալմաստու և Որմիեայ Լափթիւ զէնարալին, և քաղաքին Խոյա նիկոլայ Վասիլեիչ Վիսոցկի պօլկովնիկին¹⁶, որ ինքն դրեաց իւրաքանչիւրոցն այսպէս, թէ սոյն գրաբեր Բարսեղ արքեպիսկոպոսն, և առաջնորդն Թադդէոս առաքելոյ վանաց և վիճակացն, յորժամ քարոզէ յերկիրն Սալմաստու, յՈրմիայ և ի Խօյ առ ի շուքուցանելոյ զժողովուրդս իւր զազգն Հայոց, դուք ևս գտջիք սմա ձեռնտու և սատար, զի ահա ճշմարտիւ յանձնառու եղև առ ի քարոզութեամբ զամենայն զհայազնեայց շուքուցանել յայնկոյս Երասխայ գետոյն ի վերաբնակեցուցանել զնոսին յերկիր օրհնաբանեալ կայսերական ի նախիջևան, ի յԵրևան, ի Շարուր, [յ]Ագուլիս և ի Տերեյեկեզ և յայլ գաւառս մեծին Ռուսիոյ. մանաւանդ թոյլ տայցէն սոցա իշխանաւորն Պարսից զնալ յայնկոյս գետոյն անվնաս:

Ի կուսակալ Պասկովիչն զամենայն ազգային խնդիրս մեր ելս առեալ ի քաղաքն Դաւրիժու, դիմեցաք նախ ի գաւառն Սալմաստայ. և անդէն սկիզբն արարաք քարոզութեամբ յորդոր լինէլոյ ազգին Հայոց, և ապա դիպեցաւ մեզ նախավկայի սուրբ վանաց Սարգիս վարդապետ¹⁷, որ և աջակցեալ ընդ մեզ, դտաւ մեզ ձեռնտու յորդորմամբ զժողովուրդս, այսպիսի անձնադիր բարեփոյթ քարոզութեամբ ի միջոցի 8 ամսոց ի քաղաքաց և ի գիւղից գա-

ւառացն Դարիժու, Մարաղայու, Խոյա, Սալմաստու, Ուրմիայ, Սէօքմէնաւա-
յու, Չալարանայ, Աւաճուղայ և յայլոց նահանգաց, յորս գտանիր յազգէն-
մերմէ Հայոց, ի տումար արկանելով մետասան հազար տունս հանաք և շուե-
ցուցաք զնոսին յայսկոյս Երասխ գետոյ, ի միշտ օրհնեցեալ երկիրս ողոր-
մածագոյն կայսերն ամենայն Ռուսաց և յատկական թագաւորի Հայոց մերոց
Նիկօլայ Պաւլօվիչին։ Եւ արդէն իսկ կան վերաբնակեալք յԵրևան, ի Նախի-
ջեան, յԱդուլիս, ի Շարուր, ի Տերեղեկեզ և այլ և այլ քաղաքս և ի գաւառս ըստ
հաւանութեան իւրեանց և զերծ յամենայնէ բարբարոսական բռնութեանց
դտեալ անլուելի գոհունակութեամբ տեառն աստուծոյ օրհնեալ են, օրհնէին
և միշտ ունին օրհնիլ զանգին կեանս ամենաբարեպաշտ կայսերութեան մե-
ծին Ռուսիոյ։

Ի վերջոյ այսոցիկ ամենայնի, Իսրայէլ եպիսկոպոսն Բարդուղիմէայ Առա-
քելոյ վանաց առաջնորդն, մինչ մեք կամէաք յայնժամ ի Սալմաստու սկիզբն
առնել հրաւիրակն քարոզութեան մերոյ յիշեալ եպիսկոպոսին չախորժեալ
ընդ այն, կամէր խոչընդոտն լինելով, թիւրիլ զմիտս Հայոցն մերոց և բազ-
միցս խրատատու լինէր նոցին, զի մի ախորժեսցին շուել յայնկոյս գետոյն,
յօրհնեալ տէրութիւն կայսերական և այսպիսի հակառակութեամբն պատճառ
գտաւ և աղգելան քանի ինչ մասնաւոր տունք ի շուելոյ և մնացին ընդ բար-
բարոսական իշխանութեամբ անապատք, որպէս և նա ինքն յիշեալ Իսրայէլ
եպիսկոպոսն կամէր ախորժէլ ծառայէլ հեթանոսութեանն Պարսից։ Ընդ ին-
քեան և զայն յղճալի (խղճալի—Մ. Խ.) տունս Հայոց, մատնեաց ի գերու-
թիւն, որպէս արդ երևի։

Ես նուաստ Բարսեղ եպիսկոպոսս զայսոսիկ զամենայն գործսն իմ,
բարձր հրամանաւ սրբազան Ներսէս հօրս յաւարտ բերեալ սրբոյն Գրիգորի
մեր Լուսաւորչի յօր ելմանն ի Վիրապէն, ես ևս անձամբ անձին ելեալ ի Խօյ
քաղաքէն ի վիճակէն սրբազան առաքելոյն իմոյ Թադդէոսի, ահա ես և ման-
կունք իմ ասելով դիմեալ գնացի յԵրևան ի մայր սուրբ աթոռն մեր էջմիածին։

Յայս գնալն իմ յաթոռն սուրբ տարայ ընդ իս զամենայն զկայս և զգոյս
վանաց իմոց սրբազան առաքելոյն Թադդէոսի, զեկեղեցական զսրբազան
անօթս որպէս և իցէ. նաև՝ զամենայն զարտաքսական և զնեքսական կայսն։
Ղզրքեղէնս, զպղինձեղէնս, զհարկաւոր հանդերձեղէնս, ևս և զպաճարեղէնս
և զոչխարեղէնս և զայլսն ամենայն, գոյիւ չափ զբովանդակ ինչս վանացն
սրբազան առաքելոյն Թադդէոսի հասուցի յաթոռն սուրբ էջմիածին, և մի առ
մի ընդ տումարաւ արկեալ յանձնեցի զամենայն սրբազանադոյն սուրբ վե-
հապետին Եփրեմայ Առաջնոյ և նորին հոգեւորական սրբազան կառավարու-
թեան, սրբազան հարցն, նաև ըստ մասնեայ յամենայն տեսակացն գոյից
թողաք ի նոյն սուրբ վանս ըստ կարեւորեալ պիտոյիցն։ Բաւ է այսքանս ի ծա-
նօթութիւն։

Մատենադարանի արխիւ, ֆ. Կաթողիկոսական դիվան, ց. 6, թղթ. 55, վավ. 246, 1828։

ԾԱՆՈԹԱԳՐՈՒԹՅՈՒՆՆԵՐ

1 Ատրպատական աշխարհ—նկատի ունի Հարավային Ադրբեջանը։ 1828 թ. Թուրքմենչայի
պայմանագրից հետո Ատրպատականի հայաբնակ Մակու, Սալմաստ, Խոյ, Ուրմիա, Ղարաղաղ
և այլ գավառներից, ինչպես նաև Արդարիլ, Թավրիզ և այլ քաղաքներից մոտ 8250 տուն հա-
յեր գաղթեցին Ռուսաստանին միացած Արևելյան Հայաստան։

2 Իվան Ֆեոդորովիչ Պասկևիչ (1782—1856 թթ.), ռուսական ռազմական գործիչ, գեներա-

րալ-Ֆելդմարշալ: Մասնակցել է ռուս-թուրքական (1806—1812 թթ.), հայրենական (1812 թ.) պատերազմներին: 1827 թ. փոխարինեց Կովկասի կառավարիչ Ա. Պ. Երմոլովին: Նրա գլխավորած Կովկասյան հատուկ կորպուսը նվաճեց ամբողջ Հարավային Ադրբեջանը: Թուրքմենչայի բանակցություններում (1828 թ. փետրվարի 8—10) ղեկավարում էր ռուսական պատվիրակությունը:

3 Ստեփանոս Եսիսկոպոս Թիֆլիզեցի—Ստեփանոս Ենոքյան Եսիսկոպոս: 1816 թ. էջմիածնի վարժարանի տեսուչն էր: 1825 թ. Զմյուռնիայի (Թուրքիա) նվիրակ: 1827 թ. ղեկավարեց Վերջին մեկնեց Թավրիզ պարսկահայերի դադթի հորդորելու համար: 1820 թ. Շիրակի թեմի առաջնորդն էր: 1830 թ. էջմիածնի Սինոդի անդամ:

4 Նիկողայոս վարդապետ—1827 թ. եռանդուն գործունեություն ծավալեց էջմիածնի հիվանդանոցի՝ ռուս վիրավոր ու հիվանդ զինվորներին պարենով ու վառելիքով ապահովելու ուղղությամբ: 1827 թ. ղեկավարեց Վերջին մեկնում է Ատրպատական՝ տեղի հայերի գաղթը կազմակերպելու համար: 1831 թ. Նախիջևանի գավառի հայ գաղթականների առաջնորդն էր: 1834 թ. աշխատում էր Վրաստանի հայոց թեմում:

5 Նդիազար Հովակիմյան Նդիազարյանց—Նդիազար Հովակիմի կազարյան: 1812 թ. ծառայության է անցնում կայսեր թիկնապահ զնդում, 1826 թ. ստանում է զնդապետի կոչում: 1827 թ. ուղարկվում է Կովկաս: 1827 թ. հոկտեմբերի 19-ին Թավրիզի պարեն ու բերդապահ էր: 1828 թ. փետրվարի 26-ին նշանակվեց պարսկահայերի ներգաղթի կոմիտեի նախագահ: Մասնակցել է ռուս-թուրքական (1828—1829 թթ.) պատերազմին:

6 Լապան զենեռալ—Նիկոլայ Իվանովիչ Լապտև (Լապտիև): Զինվորական ծառայությունը սկսել է 1797 թ.: 1816 թ. զնդապետ, 1826 թ.՝ զենեռալ-մայոր: Մասնակցել է ռուս-պարսկական (1826—1828 թթ.) և ռուս-թուրքական (1828—1829 թթ.) պատերազմներին:

7 Ռարսեղ Եսիսկոպոս—Ատրպատականի հայոց թեմի առաջնորդ, Մակուի խանության Ավարայր գյուղի մոտ գտնվող ս. Թադեոս առաքյալի վանքի վանահայր, պարսկահայերի գաղթի եռանդուն կազմակերպիչ: 1810 թ. էջմիածնի վանքում տեղապահ էր: Մեծ ճիգ ու ջանք է թափել պարսիկների թաքստոցներից հայ գերիների ազատագրման գործում: 1828 թ. գրել և կաթողիկոսին է ներկայացրել իր «Պատմություն գաղթեթահանգույն համառոտակի» և «Դազեթանման լուրք» հաշվետվություն-վավերագրերը: 1828 թ. օգոստոսին նշանակվել է Նախիջևանի գավառի և Օրդուբադի մարզի հայոց թեմի առաջնորդ: Նշանակալից գեր է կատարել արևմտահայերի գաղթը (1829 թ.) կազմակերպելու գործում:

8 Տուխարզան—Դեհխառական, Դեհխարդան, գյուղաքաղաք Թավրիզից 45 կմ հարավ-արևմուտք: 1827 թ. վերջերին Կովկասյան կորպուսի շտաբ-կայազորը տեղավորված էր այնտեղ: Թագաթառանգ Աբբաս-Միրզայի խնդրանքով 1827 թ. նոյեմբերի 7-ից մինչև 1828 թ. հունվարի 2-ը Դեհխառականում տեղի են ունեցել (ընդհատումներով) ռուս-պարսկական հաշտության բանակցությունները:

9 Մարդար աղա մահտեսի Նդիազարյան—Մարդար Նդիազարյան, ծնվել է հուլիս: Ողջունել է ռուսական զորքերի մուտքը Հարավային Ադրբեջան: Պարսկահայերի գաղթին իրականացնելու համար հանդիպումներ է ունեցել Ե. Լազարյանի և ուրիշների հետ: 1828 թ. դարեանը Զաքար և Մանուկ եղբայրների հետ հաստատվել է Երևանում:

10 Աբբաս-Միրզա (1789—1833 թթ.)—Ֆաթ-Ալի շահ Դաշարի երրորդ որդին, թագաթառանգ, Իրանի պետական և ռազմական գործիչ, Ատրպատականի կառավարիչ: Գլխավորել է Իրանի ներքին և արտաքին քաղաքականությունը՝ ձգտելով ստեղծել կենտրոնացված ուժեղ միասնություն: Ռուս-պարսկական (1804—1813 թթ., 1826—1828 թթ.) և թուրք-պարսկական (1821—1823 թթ.) պատերազմների ժամանակ պարսկական բանակի գլխավոր հրամանատարն էր: Թուրքմենչայի բանակցություններում (1828 թ. փետրվարի 8—10) գլխավորում էր Իրանի պատվիրակությունը:

11 Էրիստով Գևորգի Եվսեևիչ, վրաց իշխան, զենեռալ-մայոր: Գ. Ե. Էրիստովը Կովկասի պահեստազորքերի բրիգադի հրամանատարն ու Կախեթի կառավարիչն էր: Մասնակցել է ռուս-պարսկական (1826—1828 թթ.) պատերազմին և Նախիջևանի (1827 թ. հունիս) գրավմանը: Նրա զորագունդը 1827 թ. հոկտեմբերի 4-ին դուրս եկավ Նախիջևանից և հոկտեմբերի 13-ին մտավ Թավրիզ: 1828 թ. սկզբին Ի. Ֆ. Պասկևիչը նրան աղատեց զինվորական ծառայությունից և իշխանի տիտղոսով ուղարկեց Վրաստան:

12 Ժավճավաձե Ալեքսանդր Գարսևանովիչ (1786—1846 թթ.), նշանավոր բանաստեղծ, պետական ու հասարակական գործիչ, զենեռալ-լեյտենանտ: Մնվել է Պետերբուրգում, զինվորական ծառայությունը սկսել 1804 թ.: 1817 թ. նրան շնորհվել է զնդապետի կոչում: Սկզբում

եղել է դրագույան, ապա Վրաստանի գրենադերական (նոնակավոր, բարձրահասակ զինվորների) զնդի հրամանատար։ Մասնակցել է հայրենական (1812 թ.) պատերազմին։ 1828 թ. նշանակվել է Հայկական մարզի վարչության պետ և Երևանի կայազորի հրամանատար։ Մասնակցել է ռուս-թուրքական (1828—1829 թթ.) պատերազմին։ 1841 թ. շնորհվել է գեներալ-լեյտենանտի կոչում։ Ա. Գ. Ժավադաձեի տունը ռուս և վրաց զորղների հավաքատեղի էր։

13 Սաքին գեներալ—Դիմիտրի Երոֆեևիչ Օստեն-Սակեն։ Զինվորական ծառայությունը սկսել է 1804 թ., 1816 թ. ստացել է զնդապետի կոչում, իսկ 1824 թ. գեներալ-մայորի։ Մասնակցել է ռուս-պարսկական (1826—1828 թթ.) և ռուս-թուրքական (1828—1829 թթ.) պատերազմներին։

14 Մովսես Արղութով—Մովսես Զաքարի Արղության—երկայնաբազուկ (1798—1855 թթ.), հայ իշխան, գեներալ-լեյտենանտ։ Զինվորական ծառայությունն սկսել է 1817 թ.։ Մասնակցել է ռուս-պարսկական (1826—1828 թթ.) և ռուս-թուրքական (1828—1829 թթ.) պատերազմներին։ 1828 թ. մայիսից ղեկավարում է պարսկահայերի ներգաղթը։ 1829 թ. մարտից մինչև 1830 թ. մայիսը եղել է Հայկական մարզի վարչության պետի պաշտոնակատար։ 1847 թ. նշանակվել է Դարբանդի զինվորական նահանգապետ, ապա Մերձկասպյան երկրամասի զորքերի հրամանատար։ Հիմնել է Թեմիրխանշուրա (այժմ Բույնակսկ, Դաղստանի ԻՍՍՀ) քաղաքը։

15 Բաբրանտիկ գեներալ—Նիկիտա Պետրովիչ Պանկրատև։ Զինվորական ծառայությունն սկսել է 1807 թ.։ 1813 թ. զնդապետ, 1817 թ. գեներալ-մայոր, 1829 թ. գեներալ-լեյտենանտ, 1831 թ. գեներալ-ադյուտանտ։ Մասնակցել է ռուս-պարսկական (1826—1828 թթ.) պատերազմին։ 1830 թ. նշանակվել է Կովկասյան հատուկ կորպուսի շտաբի պետ, իսկ 1831 թ. Կովկասյան բանակի հրամանատար։

16 Նիկոլայ Վասիլևիչ Վիսոցկի—ազնվական, զնդապետ։ Մասնակցել է ռուս-պարսկական (1826—1828 թթ.) պատերազմին։ 1828 թ. խոյում գտնվող ռուսական զնդի հրամանատարն էր։ Ծնանդուն մասնակցություն է ունեցել պարսկահայ զաղթականների քարավանների ստեղծման գործում։ Նրա մարտիկները հայ զաղթականներին ուղեկցել են մինչև Արաքսի ձախ (հարավային) ափը։ Մասնակցել է ռուս-թուրքական (1828—1829 թթ.) պատերազմին։

17 Սարգիս վարդապետ—Մակուի գավառի Դարաշամբ գյուղի ս. Նախավկայի վանքի վարդապետ։ Գործակցել է Բարսեղ եպիսկոպոսին, Ստեփանոս Ծնոքյան եպիսկոպոսին, Նիկողայոս վարդապետին և ուրիշներին՝ պարսկահայերի զաղթը քարոզելու և քարավանները կազմակերպելու գործում։ 1831 թ. ս. Նախավկայի վանքի առաջնորդն էր։